



I-NHI ayizukuvumela ukubizwa kwamaxabiso amakhulu kunokuba ebefanele ukubizwa abizwayo ngoku, ngokukodwa zizibhedlele zabucala. Abanikezeli ngonakekelo lwempilo babucala abazukuvunyelwa ukuba babize imali eyongezelelweyo ebizwa ngokuba yimali oyihlawula ngokwakho emva kokuba ingxowa-mali yeNHI ibahlawule.

Kutheni kubalulekile ukuthatha inxaxheba?

Ukuthatha inxaxheba kwabantu yinkqubo yolawulo lwentando yesininzi eqinisekisa ukuba abenzi bomthetho bayazimamela izimvo zabantu xa besenza imithetho.

VAKALISA ULUVO LWAKHO!

Ngubani omakathathe inxaxheba kwaye akwenze njani oko?

Bonke abanomdla nemibutho echaphazelekayo, abantu kunye neemanyano ezilungiselelweyo ziyamenywa ukuba zithathe inxaxheba ngokwenza oku:

- **Benze iziphakamiso ezibhaliweyo eziza kuthunyelwa kwiKomiti eJongene neMicimbi yeSebe lezeMpilo.** Iziphakamiso kufuneka zithunyelwe kuNobhala weKomiti eJongene neSebe lezeMpilo, uNks. Vuyokazi Majalamba ngomhla wama-29 kweyeNkanga 2019.

Idilesi: 3rd floor, 90 Plein Street, Cape Town, 8000

I-imeyili: vmajalamba@parliament.gov.za

Ifeksi: 086 694 3279

- **Ukuzimasa iindibano zovakaliso-zimvo zoluntu:** Iindibano zovakaliso zimvo-zoluntu ziza kubanjelwa kuwo onke amaphondo ukususela ngomhla wama-25 kweyeDwarha 2019 kwizithili ezininzi kunye noomasipala abambaxa kulo lonke eli lizwe.

Ngeenkukacha ezithe vetshe malunga nokungeniswa kweziphakamiso kunye neendibano zovakaliso-zimvo malunga nalo Mthetho uYilwayo, ungaqhagamshelana noNobhala weKomiti eJongene neMicimbi yeSebe lezeMpilo, uNks Vuyokazi Majalamba ngolu hlobo:

Umnxeba: (021) 4033770

Iselula: 0837098522

I-imeyili: vmajalamba@parliament.gov.za

This pamphlet is available in all the official languages of South Africa.



Umthetho oYilwayo we-Inshorensi
yezeMpilo yeSizwe (iNHI)

“Have
your
say”

Umthetho oYilwayo we-Inshorensi yezeMpilo yeSizwe

Umthetho oYilwayo we-Inshorensi yezeMpilo yeSizwe (iNHI)

iPalamente yoMzantsi Afrika imema ukuba kufakwe izimvo kuMthetho oYilwayo we-Inshorensi yezeMpilo yeSizwe (iNHI) (B 11-2019). Ikomiti yeNdlu yoWiso-mthetho yeSizwe yezeMpilo, isebenza ngokuhambelana necandelo lama-59 (1) loMgaqo-siseko, ifuna ukubandakanya uluntu kulawulo kunye nezinye iinkqubo.

Kutheni kukho uMthetho oYilwayo we-NHI?

Injongo yoMthetho oYilwayo we-NHI kukunikezela ngokufikelela komntu kunakekelo lwempilo olusemgangathweni kubo bonke abemi boMzantsi Afrika njengoko kukhuselwa nguMgaqo-siseko. UMgaqo-siseko ulubona unakekelo lwempilo njengelungelo lomntu elibalulekileyo. Uchaza uthi “wonke umntu unelungelo lokufikelela kwiinkonzo zempilo... urhulumente kufuneka athathe amanyathelo anengqiqo olawulo kunye namanye, kwimithombo yakhe ekhoyo, ukuphumeza ukugqibelela kwenkqubela yala malungelo kwaye akukho mntu umele ukuba avinjwe unyango olungxamisekileyo.” UMthetho oYilwayo we-NHI ufuna ukuphumeza oku ngokuqinisekisa ukuba:

- Akukho mntu oza kuvinjwa la malungelo achazwe apha ngentla ngenxa yemeko yakhe yezoqoqosho kwezentlalo;
- Ingxowa-mali yezempilo yoluntu yenziwe kunye nemithombo efanelekileyo ukucwangcisa kunye nokuhlangabezana ngokukuko iimfuno zempilo zabantu bonke, ingabi ngabambalwa abakhethiweyo; kwaye
- Injongo ebalulekileyo kukuphumeza uBonelelo ngeMpilo kuMntu wonke (iUHC).

Yintoni uMthetho oYilwayo we-NHI kwaye baza kuxhamla kanjani abemi boMzantsi Afrika kuyo?

- Ingxowa-mali ye-NHI iza kunceda abemi boMzantsi Afrika, abazizityebi namahlwempu nabemi abahlala ixesha elide ngokusemthethweni.
- Kuza kubakho ingxowa-mali enye yonakekelo lwempilo ngokufanayo kubanikezeli ngonakekelo lwempilo babucala nabakarhulumente.
- Indleko yenkqubo yethu yonakekelo lwempilo, ekungokunje eyiyeyona ibiza kakhulu imali ehlabathini, iza kucuthwa.
- Xa abantu betyelela amaziko onakekelo lwempilo, abazukubizwa mali kuba ingxowa-mali yeNHI iza kuhlulwa iindleko zonakekelo lonyango lwabantu ngendlela ezenza ngayo izikimu zoncendo lonyango kwabo bangamalungu azo.

- I-NHI iza kucutha umsantsa phakathi kwabazizityebi nabangamahlwempu ngokwemigangatho yonakekelo lwempilo.
- Abemi boMzantsi Afrika abazukuhlulwa ngokuthe ngqo kwizikimu zonyango lwempilo ukuze bafumane unakekelo olusemgangathweni lwempilo. INgxowa-mali ye-NHI iza kubonelelwa ngemali evela:
 - ✓ Kwirhafu nje ngokubanzi,
 - ✓ Imali ehlawulwa ngabantu abanemivuzo engaphezulu kwexabiso elibekiweyo, kunye
 - ✓ Nemali ezihlawulwa ngenyanga ngabasebenzi kule ngxowa-mali.
- Abaqeshi baza kuyinceda iNgxowa-mali yeNHI ngokuqinisekisa ukuba imali ehlawulwa ngabasebenzi babo kwingxowa-mali yeNHI iyaqokelelwa kwaye iyangeniswa, ngendlela efanayo neye-UIF.

Kuza kwenzeka ntoni kumalungu ezikimu zoncendo lonyango kunye nabanikezeli ngonakekelo lwempilo babucala?

I-NHI ayizukuthatha indawo yeZikimu zoNcedo loNyango, amalungu aza kukhululeka eqhuba nazo ukuba athanda ukwenza njalo. Xa iNHI ifezekisiwe ngokugqibeleleyo indima yezikimu zonyango iza kutshintsha njengoko ziza kunikezela imali yeenkonzo engazukubuyekizwa yingxowa-mali yeNHI.

